

उत्तम चन्द्र खेरखातारिनि जिउ आरो मावथार्यनि सायाव सावराय जथुम खुंदो

इ एन एन.

बाकसा, आगष्ट, 24: दिने
बाकसा जिल्ला सालवारि
मह'थुमानि बेन्दोनि रुपाई
सैनियर सेकेण्डरि स्कुलाय

आखै खवाम राजा उत्तम चन्द्र
खेरखातारिनि पोथायकुन्तारिनि
बान्नायनायाय साहित्य
अकादेमिजो लोपोसे बाबोन
थुनलाइयारि गैधुम आरो आबो
खवाम राजा उत्तम चन्द्र
खेरखातारिनि जिउ आरो
मावथार्यनि सायाव सावराय
जथुम खुकुनाय जायो । बे
हावाफारियाको क्षेत्रवासि
नायक, कलकातानिफ्राय
फैनाय साहित्य अकादेमिनि
मावख गिरि बिथानि
घरायकुन्तारिनि(2 विलाइयाय)



उत्तम चन्द्र खेरखातारिनि जिउ आरो

(गिबि विलाइनिफ्राय) गेजेरजो बे हावाफारिया जागायो । बिथानि अनगायैबो बर' थुनलाइ आफादनि लेडाइ आफादगिरि सिता राम बसुमतारि बिथाडा हावाफारि बेखेवगिरि आलासि महरै बाहागो लाफेनाने हावाफारिखो बेखेवनाने होलाडो आरो जैस्त्रि बर', सोद्रोमा, बर' सुबुरुन आफाद, साहित्य अकादेमिनि बिथाडा साहित्य अकादेमिनिखो गुबुन गुबुन जायगायाव एबा गामि ग'फफोरावबो थानाने थुनलाइयारि हावाफारि खुंफुहेनाय जायो आरो दिने बाकसानि रुपाहियाव गेदेमा थुनलाइगिरि, धोरोमगिरि, हारिमुगिरि उत्तम चन्द्र खेरखातारिनि जिउ आरो मावथार्यनि सायाव सावरायजथुम लाफानाने थुनलाइयारि हावाफारि खुंफुनायनि सोमोन्दै गुवारै बुंथिनाने होयो आरो लोगो लोगोनो सालवारि जिल्ला बर' थुनलाइ आफादनि आफादगिरि डम्बरधर बसुमतारिनि मेल सामलायनायाव बे हावाफारिया मेहेर गोनाडे जानाने थाडो । मख'नो गोनादि, बे जिउ आरो मावथार्यनि सायाव सावरायजथुम आरो थुनलाइयारि हावाफारिया फारियै मोनथाम खोन्दोआव जालाडो अदेबानि गिबियावनो आबो खवाम राजा उत्तम चन्द्र खेरखातारिनि मावमोन्थाइनि सायाव सावराय जथुम आरो गुबुन मोननेया थुनलाइयारि हावाफारि एबा खन्थाइ, रायथाइ बायदि बायदि फरायथिनायनि गेजेरजो जालाडो । थुनलाइयारि हावाफारिनि सेथि खोन्दो बादियै जेटेन्द्र गयारिनि हावाफारि सामलायनाय आरो अरुन बर', रैरुव ब्रह्म आरो चबिराम बर'मोननि गेदेमा उत्तम चन्द्र खेरखातारिनि जर'खायै जिउ आरो मावथार्यनि सायाव सावरायथाइ एबा फरायथिनाय हावाफारि आरो खन्थाइ, सुंद' सल' फरायथिनाय हावाफारिनि गेजेरजो जोबलाडो । थुनलाइयारि हावाफारिनि नैथि खोन्दोबादियै राजेन्द्र बसुमतारिनि मासि लानाने हावाफारि सामलायनाय आरो मालिका बसुमतारि, रसेन मुसाहारि आरो उदासि नार्जोरिनि खन्थाइ, सुंद' सल' आरो गुबुन गुबुन सोरजिथाइफोर फोरमार्थिनायनि गेजेरजो जोबलाडो । क्षेत्रवासि नायक, कलकातानिफ्राय फैनाय साहित्य अकादेमिनि मावख गिरि बिथाडा उत्तम चन्द्र खेरखातारि बिथांबादि बर' हारिनि सासे थुनलाइगिरि, हारिमुगिरि, धोरोमगिरिनि बिथां गेदेमानि सायाव गोजोआव मख'बोनाय हावाफारिखो खुंफुनो मोननाने गोजोननाय मोननायखो फोरमायो आरो गोवां थुनलाइगिरिफोरखो लोगो मोननाने गोजोननाय मोनसिननायखो खौरागिरिनि गेजेरजो फोरमायो ।